

de verò ejus orientali descendit *torrens Cison*, juxta quem Barac pugnavit contra Sisaram & in fugam vertit, Jud. iv. Colligitur autem torrens iste de *aquis pluvialibus*, quæ defluunt à montibus *Thabor & Hermon*, & præcipitatur in mare Galilææ. A monte Thabor contra Eurum est una leuca est *villam Endor*, quæ situm habet juxta *montem Hermonim*: qui tamen non est mons proprius & distinctus, sed jugum quoddam humile, seu tumor quidam à monte Hermon contra montem Thabor procedens. Est & alius *mons Hermon minor*, qui distat à Nazareth duabus leucis, à monte verò Thabor versus Austrum paulò plus una leuca, in cujus latere Aquilonari est civitas *Naim*, ubi Dominus filium viduæ unicum à mortuis suscitavit, Luc. vii. 11. Extenditur autem *mons* ille in longum ferè quatuor leucis contra mare Galilææ, definens non longè ab eo loco, ubi Jordanis ex mari Galilææ egreditur.

C A P. V I I.

Iter ab Acone versus Notum.

Describemus nunc iter aliud in quarta orientali, procedendo, scilicet, ab *Acone* contra *Notum*. Igitur ab Acone quatuor sunt leucæ ad *torrentem Cison*, ubi Elias occidit sacerdotes Baal, 1 Reg. xviii. 40. & is torrens parvo exacto terræ spatio intrat *mare Magnum*, tribus scilicet ferè leucis ab Acone. Et licet jam dixerimus hunc torrentem in *mare Galilææ* deferri, tamen, quum locus ejus originis sit aliquanto eminentior, fluit in *diversas plagas*; partim, scilicet, contra Orientem in *mare Galilææ*, & partim contra Occidentem in *mare Magnum*: & ita *duo* sunt *torrentes* seu rivi, sed ab uno loco originem ducentes. Ille tamen *Cison*, qui fluit ad Occidentem, colligit plures aquas, quia à monte Ephraim, & à locis Samariæ propinquieribus, atque à toto campo *Esdrelon*, confluunt plurimæ aquæ, & recipiuntur in hunc unum torrentem. A loco *interfectionis sacerdotum Baal* sunt tres leucæ contra Austrum ad *castrum Cain*: à quo rursus versus Austrum ad *Magedo* sunt sex leucæ, quod hodiè *Subimbre* vocatur, ubi rex Josias occisus fuit à Pharaone rege Ægypti 2 Reg. xxiii. 29. Et adverte, quòd *campus* iste *Magedo*, *Esdrelon*, & *planiities Galilææ* sunt ferè unus & idem campus: sed nomina illa hodiè omnia in oblivionem abierunt, vocaturque *campus Saba*, à quodam *castello*, quod *Saba* nuncupatur, distans à civitate *Aphec* quantus est jactus arcus. Cingitur campus ille ab Oriente mari Galilææ & Jordane, ab Austro monte Ephraim & Samaria, ab Occidente partim monte Ephraim, & partim monte Carmelo, ab Aquilone montibus *planiities* & Libano, videturque juxta longitudinem habere decem leucas, & juxta latitudinem sex. De *monte Cain* contra Orientem sunt duæ leucæ ad *Casal Mesra*, & una leuca contra Austrum ad *castellum*, quod *Saba* vocatur, ad cujus Occidentale latus extra viam, quæ ducit in *Jezraël*, ad dexteram ostenduntur ruinae civitatis *Aphec*, ubi Syri pugnaverunt contra regem Achab, quando dixerunt: *Dii montium dii eorum, pugnemus contra eos in vallibus*, 1 Reg. xx. 23. De *Aphec* ad unam leucam contra Orientem, sinistram versus, extra viam, quæ ducit in *Jezraël*, in latere Australi montis Hermon, est civitas *Suna*, celebris miraculo, quod per *Eliæum* Dominus in suscitatione pueri mortui fecit 2 Reg. iv. 34, 35. A *Suna* undecem sunt leucæ ad civitatem *Bethsan*, eundo contra Orientem, & parum declinando ad Austrum, inter montem Gelboë & Jordanem. Distat autem media leuca à Jordane. In hujus murum suspenderunt Philistæi cadavera Saulis & filiorum ejus, quos occiderunt in monte Gelboë 2 Sam. xxi. 12. Hæc *Bethsan* secundum Josephum alio nomine vocatur *Scythopolis*. Juxta hanc civitatem est *mons Gelboë*, extendens se versus Occidentem usque in *Jezraël* ad duas leucas. A *Bethsan* sunt duæ leucæ versus Occidentem ad *Jezraël*, quæ olim erat una ex civitatibus regalibus in Israël: sed hodiè vix habet viginti domos, vocaturque *Zaracin*, in pede montis Gelboë ad Occidentem sita. Ante cujus introitum est *ager Naboth*: Et nota, quod hi duo montes, Hermon & Gelboë, jacent in una linea meridionali, *Gelboë* quidem ad Austrum, & Her-